

Encontra bo Pasion

Manual

Tips pa aplica pa
trabou den sector di
Turismo



Mensahe di Presidente y CEO



Pakico Turismo mester di bo?

Aruba su pilar di economia mas fuerte ta e sector di Hospitalidad y Turismo. E sector tin hopi vacatura habri y AHATA ta convenci cu Aruba tin hendenan cualifica y cu e curason pa eherce un trabou excepcional.

AHATA ta presenta e programa 'Encontra bo Pasion', pa yuda prepara tur persona pa haña y entrevista pa un trabou.

E programa ta ofrece conseho, for di con pa busca trabou, con pa prepara y bisti pa entrevista, y tambe con pa skirbi un CV. Dunando consehonan practico, AHATA ta esforsa pa empodera tur persona aspirante pa haña trabou den e sector di Turismo di Aruba pa demostra nan habilidadnan di un manera efectivo.

AHATA ta kere firmemente cu Aruba tin hende talentoso cu un pasion berdadero pa excelencia.

Tisa LaSorte
Presidente y CEO

Busca trabou y prepara pa aplica



Tuma bo tempo pa busca trabou na bon fuientenan.

Na momento cu bo haya un vacatura, tuma e siguiente pasonan:

1 Tuma bo tempo pa prepara bo aplicacion.

Door di tuma bo tempo pa prepara pa bo aplicacion, bo ta presenta bo mes mas mihor na posibel empleadonan.

2 Tuma bon nota di rekisitonan.

Ta sigur cu ta duna atencion na e especificacionnan y criterio necesario.

3 Sigui instruccionnan di e anuncio di vacatura.

Sigui e guianan y instruccionnan duna den e anuncio di trabao.

Si bo ta cumpli cu mayoria di e habilidadnan cu e trabou ta exigi:

4 Traha un CV cu ta contene informacionnan importante di bo.

- Bo contacto, educacion, nacionalidad, residencia legal, experiencia y capacidadnan.
- Tambe mester specifica si tin permiso di trabou.

Na momento cu bo ta bay manda bo carta:

5 Skirbi un texto basico cu bo email cu bo ta bay manda cu ta splica bo interes pa aplica pa e trabou.

Bo por skirbi bo carta den **ingles, hulandes, papiamento** of **spaño**. Tin compania cu bo tin di aplica online. Tuma bo tempo pa sigui tur instruccion paso a paso.



Despues cu bo a manda bo solicitud, tuma contacto cu e compania pa confirma cu bo solicitud a wordo ricibi.



Ta bon prepara pa bo entrevista

“Miho bon prepara, cu un oportunidad perdi.



TIPS

1. Busca un lugar trankilo cu bo por concentra pa prepara.
2. Ora bo prepara bo contestanan pa entrevista, practica nan cu un otro persona.
3. Si bo no ta comprende un palabra, busca su significacion riba internet.

Ta bon prepara pa bo entrevista

Ora bo ricibi invitacion pa un entrevista di trabou, prepara bon pa bo por destaca como un candidato preferi.

Sigui instruccion di con pa prepara bo mes:

1. Tuma bo tempo pa busca informacion di e trabou y compania.
2. Bo por bishita e website di e compania of su pagina social.
3. Tambe bo por puntra conseho di un persona cu conoce e compania of sector.
4. Traha un lista di e posibel preguntanan cu bo por ricibi, y prepara bo contestanan.



Ehempel di preguntanan cu por wordo puntra:

- Pakico bo ta interesa den e trabou aki?
- Kico ta bo habilidadnan?
- Con flexibel bo ta encuanto orarionan di trabou?
- Kico ta haci bo un bon trahado?

Prepara un lista di bo propio preguntanan, manera:

- Kico ta e expectativanan di e trabou y posicion?
- Kico ta e posibilidadnan di crecemento?
- Kico lo ta e orario di trabou?
- Kico ta e pago y beneficionan?



Corda pa prepara bo paña pa dia di e entrevista, cu ta demostra bo seriedad.

Bisti apropiata pa bo entrevista di trabou



Na cada momento di contacto cu un dunado di trabou, bo vestuario por yuda manda e mensahe cu bo ta un persona serio, responsabel y dispuesto pa eherce e funcion. P'esey ta importante pa ta consciente di loke bo scoge pa bisti for di e momento di busca un formulario di aplicacion, entrega di bo CV personalmente te cu dia di bo entrevista.

Ta importante pa bo:



Scoge un paña apropiata y profesional

Bisti apropiata pa un entrevista ta demostra madurez pa e puesto di trabou. Esaki tambe ta indica cu bo ta un persona responsabel pa representa e compania.

Uza paña cu colornan neutral

Generalmente e deseo ta pa un 'hiring manager' keda corda bo cualificacion y personalidad, no locual bo tabata tin bisti. P'esey scoge paña cu colornan neutral manera blanco, beige, shinishi, khaki of blauw scur ('navy') pa un 'look' profesional.

Un bachi no ta necesario pa mustra profesional

Un camisa of polo shirt sin logo y sin texto ta aceptabel pa bo entrevista den sector Horeca. Esakinan mester ta limpi y strica.

Scoge carson of saya conservativo

Jeans y short no ta un bon escogencia pa entrevista. Ta miho pa scoge un carson apropiata den largura of saya no mas halto cu bo rudia y cu ta fit bo curpa apropiadamente.





Un bon sapato ta yuda cu bon postura y ta demostra profesionalismo

Sapato manera keds, sandalia of slof ta demasiado casual pa un entrevista. Pa completa bo vestuario scoge sapato sera y limpi den color bruin of preto. Ta preferibel pa scoge sapato cu hilchi comodo cu ta menos di 8 centimeter di haltura.

Ta consehabel pa no uza perfume

Tur hende ta reacciona diferente na e holo di perfume y algun hende por ta alergico. E meta ta pa presenta cu un apariencia limpi y representabel pa asina 'hiring managers' por concentra riba bo ideanan y cualificacion pa e posicion.

No ignora cabey, barba y higiena personal

Un barba 'well-groomed' ta apropiá. Mantencion di bo cabey y higiena personal ta yuda refina bo apariencia profesional, mandando e mensahe cu bo lo ta un bon representante di e compania y Aruba en general.



Kico no pa bisti

femenino



No muestra demasiado cuero.



Evita shimis cortico.

Bisti sapato cera. Evita sandalia, slof of sapato habri.



Evita top cortico.

Evita jeans kibra.



Kico si pa bisti

femenino



Semper corda cu un vestuario profesional y apropia ta un otro recurso pa haci un impresion positivo.

Kico no pa bisti

masculino



Evita T-shirt.

No bisti short.



No laga bril di
solo riba bo
cabel.

Bisti sapato cera y
evita slof.

Kico si pa bisti

masculino



E mesun vestuario por wordo ripiti pa tur entrevista te na e momento cu bo encontra bo pasion.

Representa e miho di bo mes



Representa bo mes na e miho manera riba dia di bo entrevista.

Bo vestuario mester ta conservativo y corda tene na cuenta cu higiena personal.

Riba dia di bo entrevista tene cuenta cu e siguiente:

1. Percura pa bo yega 5 minuut mas trempan cu bo orario di entrevista.
2. Ora cu bo yega, presenta bo mes na un manera sigur cu entusiasmo y bon postura.
3. Trece papel y pen pa tuma nota y pone bon atencion na tur loke ta wordo bisa durante e entrevista.
4. Keda semper bo mes y honesto ora di contesta preguntanan.
5. Corda cu bo tambe por haci pregunta.

Na final puntra kico ta e siguiente pasonan y gradici pa e interes y tempo.



TIP

Dos días después de la entrevista, manda un email para agradecer la oportunidad y confirmar tu interés en la vacatura.



www.ahata.com

TOCANTE AHATA

AHATA ta un asociacion 'non-profit' cu ta consisti di mas di 150 companianan miembro cubriendo e amplitud di industria di turismo di Aruba, for di propiedadnan di hotel grandi y 'timeshare' te companianan chikito di actividad y proveedornan di servicio. E forza y conocimiento combina di nos miembronan ta duna AHATA e oportunidad pa progresa den realisacion di cambionan positivo den e industria di Turismo.

Telefon

+297 582 2607
office@ahata.com

Adres

L.G. Smith Blvd 174
Oranjestad, Aruba

Manual